

Yesus ka' rumah Simon

Yesus di rumah Simon



Edisi Pertama

Ahe (Kanayatn)

Keagamaan

Yesus ka' rumah Simon

Yesus di rumah Simon


Ahe (Kanayatn)
Kalimantan Barat, Indonesia

Copyright © 2018, Yayasan Kartiday




<http://creativecommons.org/licenses/by-nc/4.0/>

Anda tidak boleh menggunakan karya ini untuk keperluan komersial. Anda dapat menyesuaikan dan menambahkan ke karya ini. Anda harus menghargai hak cipta dan pengakuan untuk para penulis, ilustrator, dsb.




Ada urakng Farisi, badama Simon, ngundang Yesus makatn. Yesus ampus ka' rumahnya man duduk makatn.

Lukas 7:36




Ka' kota koa ada uga' seko' nangbini nang ina' banar.
Wa'tu ia nangar kade' Yesus gi'tagah makatn ka' rumah
urakng Farisi koa, nangbini koa atakng ngincakng binyak
wangi ka' dalapm botol batu pualam.

Lukas 7:37




Ia badiri ka' balakang Yesus samak paha-Nya, ia ngeak sambil masa'i' paha Yesus man ai' matanya.

Lukas 7:38




Udah koa paha Yesus nya ngasat man buuknya, lalu nya ngidung paha-Nya man nyangalelehi' binyak wangi.

Lukas 7:38



Taka' urakng Farisi nang ngundang Yesus nele' hal koa, ia bakata dalapm ati, "Kade' urakng nian batol-batol nabi, tantunya Ia nauan sae nangbini nang nyantuh Ia nian. Pasti Ia naun uga' kade' nangbini nian nang na' banar!" Lalu Yesus bakata ka' Simon, "Simon, ada nang mao! Ku kataatna' ka' kao.
"Kataatnlah Pa' guru," jakata Simon.

Lukas 7:39-40



Yesus nyampeatn parumpamaan lea nian, “Ada dua urakng nang barutakng ka' urakng nang nginyapmi' duit. Nang seko' barutakng lima ratus duit perak, nang seko' agi' barutakng lima puluh duit perak. Kadua-duanya ina' mampu ngalunasi utakng koa, jaji urakng nang nginyapmi'nya duit koa ngapus utakng nyadua koa. Nah, ka' antara dua urakng koa sae nang ngasihia' labih urakng nang nginyapmi' duit koa?

Lukas 7:41-42



Jakata Simon, “Ku kira urakng nang paling manyak
dingapus utakngnya koa!”
“Pandapatnyu banar,” sahut Yesus.

Lukas 7:43




Lalu Yesus nele' ka' nangbini koa man bakata ka' Simon,
"Kao dah nele' kan, ahe nang di nangbini nian manjawat?
Aku atakng ka' rumahnyu, kao nana' nyiapatn ai' nyasaha'
paha-Ku. Tapi nangbini nian dah marasehatn paha-Ku man
ai' matanya, man uga' nya ngaringan man buuknya.

Lukas 7:44



Kao ina' nyambut Aku man ngidung koo'-Ku, tapi nangbini
nian nana' badiapm ngidung paha-Ku dari Aku atakng ka'
dian. Kao ina' ngalelehatn binyak ka' kapala-Ku, tapi
nangbini nian dah ngalelehatn binyak wangi ka' paha-Ku.


Lukas 7:45-46



Tagal koa, dangar boh: Dosanya nang manyak dah dingamponi', koa sababnya ia nojokatn man kasihnya nang aya!! Kade' urakng dingamponi' sabebet, ia ngasihia' sabebet uga! ”


Lalu Yesus bakata ka' nangbini koa, “Dosa-dosanyu udah dingamponi'.”

Lukas 7:47-48



Urakng-urakng lain nang duduk makatn man Yesus mulai' bakata ka' sabayaatnnya, "Sae si urakng nian barani-barani ngamponi' dosa!"

Lukas 7:49



Tapi Yesus bakata ka' nangbini koa, "Tagal kao picaya' ka'
Aku, kao dinalamatatn. Mulaknglah baati nang dame!"

Lukas 7:50

